

Сургъулин шин джилд сăанăр белдхмн

Пин XX-ч хургин шин-двр кѳцӑлгӑнӑ хаалгъар советск школмуд ирх сургъулин шин джилд ѳмӑрӑн шин ишкдл кехмн. Эн джил, дундин школмудин ик зунь сургъулин шин зурад орджана. Политехническ сургъулин чинринь ѳѳдлӑлхд, сургъульчирт олн ѳусн кѳдлмшин авц дасхкд белдхд, школмудиг производствур ѳѳрдӑлхд эн ик эв-аргъ ѳгхмн.

Сургъулин шин джилд белдвр кеджӑх цагла ик даалгъврта кесг тѳрмѳд хагългӑх зѳвтӑ. Хамгин тѳрѳн болдж, сургъульд орх бичкдудин тѳеггӑннь кѳцӑдж авх олн ӑмтнӑ элл-ахун зураг кѳцӑх кѳцӑлгӑнӑ. Школин сургъулин бѳлматернальн базинь батлин тѳлӑ, мастерскойс, сургъулин кабинетс болн спортивн залмуд, бѳрдӑдж, хамг кергтӑ тоот зер-зевинь диглгъӑр ик кѳдлмш кегдхмн.

Школмуд тосхлгӑнд йилгӑн оньган ѳгх кергтӑ. Нилнин джил школмуд тосхлгӑна зура кѳцӑлгӑн уга билӑ. Зурагъар арвин негн школ тосхх бӑӑснӑс, хойрхи школ дуусгддж кѳллв. Эн джил школин 15 гер тосхлж дуусх зѳвтӑвдн. Сургъуль-ердмин района отделмѳд школин тосхлтд ик оньган ѳгч, ӑарлнь ордж хӑлӑвр теткдж, тосхлт болгӑнд юн болджахинь дзньгин медджӑх зѳвтӑ.

Давсн джил школмудиг сургъулин шин джилд белдджӑх цагт кесг совхозмудин директормуд болн колхозмудин ахлачир ик килмджӑн кѳрглӑ. Совхозмудин, колхозмудин чидлӑр болн мѳнъгӑр кесг школин гермѳд тосхгӑв.

Шин школмудиг тосхлж дуусх, ѳминь бӑӑсн школмудт немдж бӑрх тосхлтс тѳгскӑх зураг кѳцӑхин тѳлӑ райодин сургъуль-ердмин отделмѳд шундж зѳткх кергтӑ. Эн джил кѳдлх зѳвтӑ школмуд сургъулин шин джил эклтл цугтан дуусгддж кѳдлмшӑн эклх зѳвтӑ.

Долан джилӑ болн дундин медрл даслгӑнг кѳцӑхин кергт сӑанӑр оборудовать кегдсн интернатс ик чинртӑ орм эзлх зѳвтӑ. Иим интернатсар бичкдудт халун хот ѳгдгиг чигн бѳрдӑдж болхмн, сургъулян сӑанӑр сурхин кергт цуг эв-аргӑннь олдж бѳрдӑдж болхмн. Школмудин интернатсиг икдѳлдж, бичкдуд бӑӑдг орм угагъар тѳрдгиг уурулхмн. Эн хамгиг кѳцӑхд цуг эв-аргӑннь манд бӑӑнӑ. Сургъуль-

чириг государствин дѳнъгӑр теткхд 200 орм немдж мана таньгъчд ѳгдсн бӑӑнӑ. Школмудин интернатсиг чикӑр, тоолвртагъар икдѳлсн цагт, долан джилӑ болн дундин бичкин-бичкин школмудиг уурулдж, школмудас хол бӑӑдг хѳѳчнрин бичкдудиг кѳцднь сургъульд орулдж авх аргъ манд олдхмн.

Селӑнӑ школмудиг хамг кергтӑ зер-зевӑрнь теткнӑ гисн ик чинртӑ тѳр. Эднӑ кесгтнь ода кѳртл хамгин кергтӑ гисн оборудовань уга. Нидн джилинӑр болхла, сургъуль-ердмин халхар мѳнъг гаргъдж ѳглгӑн зѳвӑр ѳсв. Райодин сургъуль-ердмин отделмѳд болн школмудин директормуд эн мѳнъгӑн кѳцднь чикднь, эзн кевӑр олзлхин тѳлӑ икӑр зѳткх кергтӑ.

Школ болгӑниг сургъулин джилд цаглянь белддж диглгӑн—тѳрѳн вѳурт тӑвгдджӑх ик чинртӑ тѳр. Эн тѳр сӑанӑр кѳцӑлгӑн сургъулин болн сургъмджин кѳдлмшин йовуд сӑн болна. Сургъулин джилд школмудиг сӑанӑр белдхин тускар Западн район социалистическ дѳрдӑнд дууддѳжх Яшалтин района, школмудин сургъулин шин джилд ончта сӑанӑр белдхӑр, школмуд, интернатс болн мастерскойс шинӑс тосххднь дѳнъ болхар бийлӑн ик даалгъврмуд авсн Приютненск, Яшалтинск болн Каспийск райодин кѳч-кѳлсчнрин седвӑриг дѳнънх кергтӑ.

Ўлгѳрлхд: Каспийск загъсна заводин кѳч-кѳлсчнр Каспийск дундин школд 40 минъгӑн арслнь мѳнъгнд физкультурн зал бӑрдж ѳгх болдж даалгъвр авб, Яшалтинск района „Победа“ артелин колхозникуд Красно-Михайловск долан джилӑ школд 40 минъгӑн арслнь мѳнъгнӑ мастерской тосхлж ѳгх болв, Сарпинск района, „Путь Ленина“ колхоз 100 минъгӑн арслнь мѳнъг гаргъдж эклцин школ бӑрхмн.

Мана школмудиг сӑн бӑӑлд кѳдлӑлх, политехническ сургъуль кѳцлгӑн дасхд цуг кергтӑ тоотарнь теткх советск олн-ӑмтнӑ ѳѳдӑн ухан-седкльн эн кегдджӑх патриотическ уѳлдврмѳдт улѳ сӑанӑр медгднӑ.

Сургъулин шин джилд белдлгӑн—государственн чинртӑ ик тѳр болдгинь медх кергтӑ.